



Stjórn SSH 508. fundur

Mánudaginn 12. október 2020, kl. 12:30, kom stjórn SSH saman með fjarfundarbúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Gunnar Einarsson, Haraldur Sverrisson, Karl M. Kristjánsson, stjórnarmenn í SSH og Rósa Guðbjartsdóttir formaður stjórnar og Pálmi Mátsson, bæjarritari Kópavogs. Þá Páll Björgvin Guðmundsson framkvæmdastjóri SSH og Hildigunnur Hafsteinsdóttir lögfræðingur SSH sem ritaði fundargerð.

Formaður setti fund og gengið var til dagskrár.

1. Fjárhagsáætlun svæðisskipulags / málsnr. 1510002

Framlögð drög að fjárhagsáætlun svæðisskipulags. Jón Kjartan Ágústsson svæðisskipulagstjóri er gestur fundarins undir þessum lið og kynnir áætlunina og hugsanlega verkáætlun samkvæmt mismunandi sviðsmyndum.

Umræður.

Niðurstaða fundar:

Stjórn SSH felur framkvæmdastjóra SSH og svæðisskipulagsstjóra að rýna tillögurnar betur m.a. með hliðsjón af sóknaráætlun höfuðborgarsvæðisins og umræðu verður fram haldið á næsta fundi stjórnar.

2. Sóknaráætlun 2020-2024 / málsnr. 1906002

Gestir fundarins undir þessum lið eru Hermann Ottósson verkefnastjóri og Jón Kjartan Ágústsson svæðisskipulagsstjóri. Fyrir fundinum lá minnisblað um stöðu verkefna sóknaráætlunar.

Jón Kjartan svæðisskipulagsstjóri fer yfir og kynnir stöðu verkefnanna frumdrög að loftlagsstefnu og samræming úrgangsflokkunar á höfuðborgarsvæðinu.

Páll Björgvin kynnir stöðu sóknaráætlunarverkefnis SSH um greiningu á stöðu ferðaþjónustunnar á höfuðborgarsvæðinu og fjallar um hvort rétt sé að fresta fyrirhuguðu stöðumati vegna áhrifa Covid-19 á stöðu ferðaþjónustunnar. Lagt er til að fjármagn það sem nýtast átti við það verkefni renni í sjóð SSH fyrir nýsköpun og sjálfbærni í ferðaþjónustu enda geti það þá gagnast ferðaþjónustunni til nýsköpunar til framtíðar.

Hermann Ottósson kynnir stöðu verkefnanna forvarnir á tímum Covid-19, stafræn þjónusta og höfuðborgarsvæðið sem staðarvalkostur.

Niðurstaða fundar:



Stjórn samþykkir, með fyrirvara um samþykki ráðuneytisins, að veita því fjármagni sem nýta átti til stöðumats á ferðaþjónustu á höfuðborgarsvæðinu til sjóðs SSH fyrir nýsköpun og sjálfbærni í ferðaþjónustu. Gert er ráð fyrir því að sjóðurinn hafi þá um sjö milljónir króna til ráðstöfunar og úthlutunar.

Ármann Kr. Ólafsson kom á fundinn og Pálmi Másson, staðgengill hans, vék af fundi.

3. Samgöngusáttmálinn / málsnr. 2003010

Lagt fram yfirlit og minnisblað frá SSH og Vegagerðinni um stöðu verkefna Samgöngusáttmálans og greiðslur til hans. Páll Björgvin framkvæmdastjóri SSH kynnir minnisblað um framlög til Samgöngusáttmálans frá aðildarsveitarfélögunum.

Umræður.

4. Covid-19 / málsnr. 2003006

Fjárhagsáhrif Covid-19 á sveitarfélögin. Framhald umræðu frá fyrri fundum.

Á 505. fundi stjórnar SSH var eftirfarandi bókað:

Niðurstaða fundar:

Framkvæmdastjóra SSH falið að senda erindi til forsætisráðherra, samgöngu- og sveitarstjórnarráðherra og fjármála- og efnahagsráðherra þar sem óskað verði eftir formlegum fundi til að ræða áhrif Covid-19 á fjárhagsstöðu sveitarfélaga á höfuðborgarsvæðinu.

Ofangreind erindi voru send hinn 28. september 2020. Engin formleg svör hafa borist.

Umræður.

Niðurstaða fundar:

Páll Björgvin framkvæmdastjóri SSH mun afla hagfræðilits vegna þeirra áhrifa sem Covid-19 hefur á fjármál sveitarfélaganna. Jafnframt verði ítrekuð beðni um fund með ráðherrum samkvæmt ofangreindu.

5. Beiðni um niðurfellingu fasteignagjalda vegna Covid-19 / málsnr. 2003006

Fyrirliggjandi er erindi SAF, Samtaka ferðaþjónustunnar, þar sem farið er fram á niðurfellingu, eða frestun, greiðsla fasteignagjalda fyrir atvinnurekendur í ferðaþjónustu.

Umræður.

Niðurstaða fundar:

Skrifstofu SSH falið að fara yfir erindið og verður það tekið fyrir að nýju á næsta fundi stjórnar SSH.



6. Stjórnsýsla byggðasamlaga / málsnr. 1912001

Hildigunnur Hafsteinsdóttir kynnir stöðu verkefnisins um stjórnsýslu byggðasamlaganna samkvæmt fyrirbyggjandi minnisblaði.

7. Fundargerðir stjórnar Sorpu bs.

Lagðar fram til kynningar ásamt fundargögnum:
Fundargerð 432. fundar stjórnar Sorpu bs. hinn 28. ágúst 2020.

8. Fundargerð stýrihóps Stjórnarráðsins um byggðamál

Lögð fram til kynningar:
Fundargerð 63. fundar stýrihóps Stjórnarráðsins um byggðamál hinn 14. september 2020.

9. Fundargerðir byggðamálaráðs

Lagðar fram til kynningar:
Fundargerð 9. fundar byggðamálaráðs hinn 17. september 2020.
Fundargerð 10. fundar byggðamálaráðs hinn 1. október 2020.

10. Fundargerð stjórnar Samtaka sveitarfélaga á Norðurlandi vestra.

Lögð fram til kynningar:
Fundargerð 58. fundar stjórnar Samtaka sveitarfélaga á Norðurlandi vestra 1. september 2020.

11. Fundargerðir stjórnar Sambands íslenskra sveitarfélaga.

Lagðar fram til kynningar:
Fundargerð 887. fundar stjórnar Sambands íslenskra sveitarfélaga hinn 25. september 2020.
Fundargerð 888. fundar stjórnar Sambands íslenskra sveitarfélaga hinn 29. september 2020.

12. Önnur mál

13. Stjórn akstursþjónustu fatlaðra / málsnr. 1711002

Tillaga frá Haraldi Sverrissyni bæjarstjóra Mosfellsbæjar um að Sigurbjörg Fjölfnisdóttir sem tekur við starfi framkvæmdastjóra fjölskyldusviðs Mosfellsbæjar taki sæti í rekstrarstjórninni.

Niðurstaða fundar:

Tillaga um að Sigurbjörg Fjölfnisdóttir taki sæti í rekstrarstjórninni er samþykkt.

Fleira ekki gert og fundi slitið kl. 13:45